

Neuzeuger - Messerer - Rud

Rudenkirtag Sierning Faschingdienstag 17.2.2026



d'Messerer sagn <u>wieda</u> Grüaß Gott und heut gleichzeitig Pfüat Gott za unsan Gründer Reichhardt Hans der uns glernt hât den Tanz der uns geführt hât mitanaund mit fester Volkskulturhand der dem Rudnkirta Gschehgn vül Sinn und Auftrieb hât gebn wolln eahm nâchiruafa drobn a letzts Mâl recht Vageltsgott sagn und der Applaus der jetzt kimmt gheart ön Hans alloa bestimmt	A neuchs Rüstfoahrzeug kriagn tuat dö Feuerwehr z'Sierng da Buagamoasta Kerbl glei ban Radlwâschn voll dabei 'tauft is er selbn wia neu geborn mit an Kübl Wâssa wordn und dös Auto, dass'd as woâßt jetzt natürlî Richard hoâßt
Bestâtung Sierning, woâßt as schon da Mauhart is in Pension da Andi Krammer, jâ is âb jetzt fürs Sterbn dâ wohl a ganz erfahr'ner Ma' in da Hydrac hât er scho joahrlang g'übt, so ka' ma sagn a ganze Firma z'Grâbe trâgn	Da Steininger Heinz is net guat drauf weil s'Friedhoftor geht net auf tuat auf Facebook vaunglimpfa leider heart dort neahmd sei' Schimpfa kunnt statt dessn weita vor a poar Schriatt geh zan nächstn Tor dâ moant er, dass er selba gschwind zan Friedhofkemma z'spât kimmt
Da Madler Franz, da Âllagsûnda Opa va dö Hiasmoar Kinder holt âll zwoa Wochan amâl d'Enklkinda va da Schul' lâsst d'Schultâschn am Parkplâtz steh muaß a zweits Mâl foahrn dorthi' wâs im Hirn is laar und blank muaß ma hâbn im Autotank	z'Neikircha habn âlle Maunaleut mit Musispûln und Singa Freud ba da Treibjâgd habns âls Treiber nur gendergeile Goldhaubn Weiba dort kinnans ungehindert frei Treiberin und Weibin schrei' und da Hâs' und da Fâsa' rennan liabend gern davo'
A Bock tuat sih im Zau' da fanga ban Flixeder drent am Anger da Willi Molterer muaß her dös Viech erlôsn mitn Gwehr kunnt ba solchem Untanehma ön Lehner Sigi mitnehma der ka' lerna, wia ma schö' treffa ka' a gfangans Reh	Da Templ Fritz va Schiedlberg drent kriagt zan Sechzger a gmâltns Hemd drauf siagst an Bock, den er wohl selba gschossn hâbn soll doh dös Hemd hât eahm net gfâlln und drum hât er's goar net wolln weil der Bock eahm selba grâd hauptguat âhnli' gschaut hât

Zan Führerschein Valängern, sågt a geht da Kainrad Hans zan Dokta im Warteraum im Rock, recht knåpp sitzt a schöne Frau mit Gschråpp ob er eppad helfa ka' frågt ganz höflich glei der Ma' dö, net gschreckt, håt eahm akkrat glei s'Kind zan Aufpassn a'draht	d'Schlåder Hermi, schau dih a' håt an Gucker va ihrn Ma' der liegt åll Tåg und jederzeit aufn Fensterbrett bereit dass ihr jå nix entgeht wüllst wås wissn va da Welt brauchst net ön d'Kronenzeitung schau' ruafst hålt oafåch d'Hermi a'
Da Tråxl Franz kaft <u>an</u> Drescher ei' für d'Pension, gebraucht, fåst neu dass d'Lebnsfreid eahm nix vadirbt putzt und streicht er'n valiabt doh ban erstn Einsåtz dann springt dös blede Trumm net an åft håt er's gwißt und war dann gscheita mit Schönheit kimmst am Feld net weita	d'Deisl Ulli håt, wia nia a höllisch wehats Knia sitzt ban Fernschaun, staad sei' muaß's an Topfnwickl aufn Fuaß wias im Fernsehkrimi dann den fålschn Mörder ei'gfangt habn kimts drauf, dass sie den Wickl gråd am vakehrtn Knia drobn håt
Bekannt is d'Monika Ring åls Orgasmuspåpstin am Rudnkirta letztes Joahr ban Rogl Franz stöllt sie sih vor wo er's hi'sitzn möcht ba dera Fråg wird eahm fåst schlecht in so a Zwickmühl woar jå schia da Rogl Franz sei' Lebtåg nia	Hiatz kimmt unsa Åbschiedsgruß heut is net nur heut Schluss d'Messerer, sunst net zwida legn eah Werk am Kirta' niada mögn fürs Gstanzl ertrågn a letztes Mål nuh Dank schö sågn ön Gstanzlwei', nåch eignem Wolln derfts natürli weita zahl'n